



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Disp. VII. De justitia, & mesericordia Dei,

[urn:nbn:de:hbz:466:1-77232](#)

DISPUTATIO SEPTIMA

terminare odium propriè dictum.

Ad confirmationem, concessa Majori, nego Minorem. Nam licet causa displicentiae inimici sit injuria & offensa illata, illa tamen supposita, non solum injuria, sed etiam persona quæ injuriam intulit, displicet offeso, quatenus vellet illam non esse.

47. Ad probationem secundæ partis Minoris principialis, concessa Majori, nego Minorem. Ad cujus probationem, dicendum est, quod licet omnis actus voluntatis creare debeat terminari ad bonum, verè vel apparenter conveniens subiecto appetenti, non tamen omnis petit terminari ad bonum conveniens alteri subiecto, sed aliquando fertur ad malum alteri noxiun. Et ita contingit in odio inimicitæ, nam odio habens aliquem, vult illi malum; quia illud quod alteri malum est, sibi ipsi judicat conveniens: unde terminatur ad illud, ut conveniens sibi, & ut alteri disconveniens, nocivum, & malum.

48. Contra secundam conclusionem, nullum ponit Suarez argumentum quod sit alicujus ponderis: illud enim quod supponit, & non probat, nempe iram in suo conceptu formaliter solum importare appetitum vindictæ, nec includere ordinem ad tristitiam ab offendente illata, eadem facilitate negatur, quâ assertur; & constat esse falsum in justice, qui cum sedato animo puniit latronem, non propriè illi irascitur, sed solum exercet actum justitiae vindicativæ. Unde cùm D. Thomas 1. 2. quæst. 47. art. 1. ad 1. ait: *Ira non dicitur in Deo secundum passionem animi, sed secundum judicium justitiae, prout vult vindictam facere de peccato: solum vult, aliquid ad perfectionem pertinens, quod in ira invenitur, nempe voluntatem puniendo peccata, in voluntate Dei reperiiri; non autem adequatam irationem, de cuius conceptu est ordo ad tristitiam ab altero illatam, ut ex eodem S. Doctore jam vidimus.*

DISPUTATIO VII.

De Iustitia, & Misericordia Dei.

Ad quæst. 21. prima partis.

EX his quæ diximus disputatione prædenti de actibus & affectibus divina voluntatis, facile colligi potest, quænam virtutes affective formaliter in Deo reperiantur. Nam quantum ad hoc observanda est communis regula Theologorum, qui statuunt tanquam certum, eas solum virtutes quæ nullam in suo conceptu, seu ratione formaliter includunt imperfectionem, formaliter Deo competere. Ex quo principio inferunt, virtutes quæ respiciunt alterum, ut superiore, vel æqualem: ut religio, obedientia, pietas, observantia, &c. Vel quæ versantur circa moderationem passionum: ut fortitudo, quæ moderatur timorem; patientia & mansuetudo, quæ habent moderari tristitiam & sevitudinem; & temperantia, quæ circa moderationem delectationum corporearum versatur, formaliter in Deo non reperiiri: quia hujusmodi virtutes in sua ratione formaliter includunt aliquam imperfectionem Deo repugnantem. Restat ergo solum difficultas, an iustitia & misericordia sint in

A Deo formaliter, vel tantum eminenter? quam hinc breviter discutiemus & resolvemus.

ARTICULUS PRIMUS.

Quæ Iustitia formaliter Deo convenientia?

§. I.

Premittuntur quæ apud omnes sunt certa, & referruntur sententia.

SVPPONO primò tanquam certum, iustitiam verè & propriè in Deo reperiiri, abstrahendo pro nunc à speciebus illius, an scilicet illa sit legalis, commutativa, vel distributiva. Nam Deo passim Scriptura concedit attributum iustitiae, officiumque judicandi justè, & reddendi unicuique quod suum est: quod non metaphoricè, sed cum omni proprietate Deus exerget. Unde statim initio Genesis, ubi vulgata versio habet: *In principio creavit Deus cœlum & terram.* Hebreica legit: *In principio creavit Deus Elobim, id est Iudices: quis (inquit Tertullianus) A primordio Creator tam bonus quam & justus. Pariterque utrumque processit. Bonitas ejus operata est mundum, iustitia modulata est.... Iustitia opus est quod inter lucem & tenebras separatio pronuntiata est, inter diem & noctem, inter cœlum & terram, inter aquam superiorum & inferiorum, inter maris cœtum & arida molem, inter luminaria majora & minora, diurna atque nocturna &c. Omnia ut Bonitas concepit, ita Iustitia distinxit.*

D Suppono secundò, iustitiam quæ definitur à Theologis & Iurisperitis: *Virtus jus suum unicuique tribuens, in tres potissimum species dividit: scilicet in legalem, distributivam, & commutativam: omnis enim iustitia propriè dicta est ad alterum, ut docet D. Thomas 2. 2. quæst. 58. art. 2. Triplex autem potest fieri comparatio ad alterum: vel comparando partem ad totum, vel totum ad partem, vel partem ad partem. Si pars ad totum comparetur, est iustitia legalis, quæ habet ordinare hominem ad bonum commune, & imperare ad implectionem legum in ordine ad bonum communitatis: si fiat comparatio totius ad partes, est iustitia distributiva, per quam, vel res publica, vel caput ejus, nomine ipsum, distribuit bona vel poenias, pro mensura & proportione meritorum vel demeritorum. Si fiat comparatio partis ad partem, est iustitia commutativa, quæ scilicet in contractibus, commercijs, & permutationibus, unus civis æqualitatem servat in ordine ad alterum. Legendus est S. Thomas 2. 2. quæst. 61. art. 1.*

E Suppono tertio: Præter tres illas species iustitiae, est alias virtutes ad iustitiam redutivè pertinentes, quæ partes potentiales iustitiae appellari solent; quia imitantur quidem & emuluntur rationem iustitiae, ab ea tamen deficiunt, vel quia non possunt reddere æquale, ut religio, pœnitentia, pietas, & observantia. Vel quia licet possint reddere æquale, non habent tamen rigorosum debitum & legale, sed morale tantum, quod attenditur secundum honestatem aut decentiam, non verò secundum legis obligationem: ut liberalitas, gratitudo, fidelitas, amicitia &c.

F Suppono quartò: Iustitiam saltem legalem in Deo formaliter reperi. Hæc enim, ut docet D. Thomas 2. 2. quæst. 58. art. 6. est in Principe architectonicè, quasi in imperante & dirigente; in subditis autem secundariò, & administrative,

DE IVSTITIA ET MISERICORDIA DEI. 485

tanquam in subjectis & obedientibus legi : unde A cùm Deus sit Rex Regum, & dominus dominium, ac supremus moderator totius universi, Per quem Reges regnant, & legum conditores iusta decernunt, ut dicitur Proverb. 8. non est dubium quin in illo sit justitia legalis, superiori modo, quam in omni Principe. Quare solum restat difficultas, & controversia inter Theologos, an etiam in Deo sit ponenda formaliter justitia commutativa, & distributiva, vel solum eminentia? Pro cuius resolutione

S. Suppono ultimò: Distributivam justitiam in hoc potissimum à commutativa differre, quod hæc in compensatione debiti servat proportionem seu æqualitatem arithmeticam & absolutam, que fit secundum computationem numeri ad numerum: si enim debitor debeat v. g. centum nummos creditori, centum etiam illi restituere debet. Illa verò observat solum proportionem geometricam, seu respectivam, que fit secundum proportionem diverorum respectuum, qualem Geometra considerat in diversis figuris & quantitatibus. Sicut si paterfamilias v. g. debet distribuere familiae sua vestes, non debet eisdem dare toti familiae, sed minoribus minores, & majoribus majores: unicuique secundum suam proportionem. Et in distribuendis bonis reipublicæ (in quo situm est officium justitiae distributivæ) non debet sic attendi meritum, ut tot partes bonorum recipiat ovis, quot habet gradus meriti: ut si habeat centum, centum etiam recipiat: sed si habenti quinquaginta gradus meriti, dentur viginti partes bonorum reipublicæ, habenti centum, debent tribui quadraginta. His præsuppositis.

C. Circa propositam difficultatem variè opinantur Authores, omnes tamen sententia ad tres præcipuas (quarum duæ extreæ opponuntur, altera inter utramque mediat) reduci posse existimo. Suarez enim affirmit dari in Deo justitiam non solum distributivam, sed etiam commutativam in ordine ad homines, fundatam in pacto & promissione qua intercedit inter Deum & nos; ita quod si Deus non redderet quod ex pacto convenit, violator esset stricti juris, & propriæ ac specialis justitiae. Sic docet in Opusc. disp. de justitia Dei, ipsumque sequuntur Granado, Tannerus; & alij ejusdem familiae. Vazquez autem cui adhaerent Lessius, Sanchez, & Arrubal, docet in Deo non dari veram & strictam justitiam, neque commutativam, neque distributivam, & premium reddi à Deo bonis operibus ex sola filialitate, vel gratitudine, aut alia virtute simili, que sit pars potestivæ justitiae, non species ejus. Thomista verò medià viâ inter has duas sententias extreæ oppositas incidentes, tenent in Deo non dari justitiam commutativam, bene tamen distributivam, & vindicativam, que est pars distributivæ justitiae, habens distribuere præmia & supplicia, secundum proportionem meritorum vel demeritorum. Hanc sententiam clare & in terminis docet Angelicus Praceptor, ut constabat ex locis statim referendis: unde illum sequuntur Capreolus, Caeteranus, Ferrariensis, Soto, Gonzales, Marcus à Serra, Joannes à S. Thoma, & alij communiter.

Tom. I.

§. II.

Statuitur prima conclusio.

Dico primò: In Deo non dari justitiam commutativam.

Probatur primò conclusio ex D. Thoma in 4. dist. 46. quæst. 1. art. 1. ubi ait: *In justitia commutativa, per quam æqualitas constituitur inter Deum dantem & creaturam recipientem, Deo competere non potest secundum propriam accessionem.* Et n. cont. Gent. cap. 93. *In justitia, quantum ad communicationis altum, Deo competere non potest, cum ipsa se à nullo aliquid accipiat.* *Vnde ad Romanos 11. dicitur, Quis prior dedit illi, & retribuet ei?* Et Iob 41. *Quis ante dedit mihi, & reddam ei?* Per similitudinem tamen aliqua dari Deo dicuntur, inquantum Deus nostra data acceptat: non igitur sibi competit commutativa justitia. Et hic art. 1. *In justitia commutativa, vel directiva communiationum, non competit Deo, quia ut dicit Apostolus ad Roman. 11. Quis prior dedit illi, & retribuet ei?*

C. Dices, D. Thoma solum excludere à Deo justitiam commutativam, eo modo, & cum illis imperfectionibus, cum quibus reperitur inter homines; non autem negare, justitiam commutativam Deo convenire secundum suam rationem formalem, & ut purificatam ab illis imperfectionibus.

Sed contra: Secundum modum illum imperfictum quo virtutes sunt in nobis, non solum justitia commutativa, sed nec distributiva, nec misericordia, nec liberalitas & magnificencia, nec sapientia & prudentia sunt in Deo, sed modo altiori & divino: Ergo si D. Thomas intenderet solum excludere à Deo justitiam commutativam, secundum eas imperfectiones quibus affecta est in nobis, & non secundum se, etiam alias virtutes negare deberet Deo, quia non sunt in Deo illo modo quo in nobis: sed alias virtutes, & nominatim justitiam distributivam concedit Deo, & commutativam excipit, ut magis constabit ex locis infra referendis: Ergo &c. Addo quod ratiō D. Thoma quam in predictis locis insinuat, & quam statim exponemus, probat Deo non posse convenire justitiam commutativam secundum se, & secundum suam rationem formalem & essentialē.

E Probatur ergo secundò conclusio ratione quam indicat D. Thomas locis relatis. Ad justitiam commutativam propriè dictam necessariò requiritur, ut debitum legale oriatur in uno extremo ex duobus inter quæ talis justitia intercedit, ex dato & tributo alterius: Sed nulla creatura potest aliquid dare vel tribuere Deo: Ergo in illo non potest esse justitia commutativa in ordine ad creaturas. Major videtur certa & constans apud omnes: si enim aliquis nihil alteri det vel tribuat, non potest illum constituere debitorem, nec illum obligare ex vera & stricta justitia. Minor verò in qua est difficultas probatur primò ex locis Scripturæ à D. Thoma allegatis. Secundò ratione: Nam dare aliquid alteri, est illud constitutere sub dominio & potestate illius: Sed repugnat quod aliqua actio creaturæ, sub dominio & potestate Dei constitutatur, quia quæcumque actio vel communicatio creaturæ, ita est Dei, & sub dominio ejus, sicut quæcumque res creata, & multò magis, quam sub dominio proprio: Ergo repugnat creaturam per sua bona opera ali-

P P p iiij

quid dare vel tribuere Deo. Quantumcumque enim creatura eam actionem, vel rem donet Deo, nihil novi dominij & juris in eo causat, quia ipsummet offere & dare, & ipsa actio creatura, à Deo originantur, & ex ejus influxu & causalitate pendunt, & aliquid ipsius sunt.

Dices cum Suarez: Quod quamvis actiones creature sint Dei ut supremi Domini, tamen ipsa creatura habet particolare dominium in illas, ratione cuius potest illas Deo dare, & in ejus obsequium offerre.

Sed contra: Licet creatura habeat dominium particolare in suas operationes, non potest tamen illud in Deum transferre, nec consequenter aliquid Deo dare: quia dominium illud, cum sit creatum & limitatum, est imperfectum; Deus autem non est capax dominij imperfecti. Et dato etiam quod illud in Deum transferre possemus, & Deus esset capax nostri imperfecti & inferioris dominij, illudque novo titulo possidere posset; totum hoc ex Deo ipso dimanare debet, scilicet quod nos tale imperfectum dominium in ipsum transferamus, & quod ei illud offeramus: Ergo nihil ei offerimus quod suum non sit, siquidem non solam id quod damus; sed ipsum etiam dare illi, beneficium ejus est, & ab ipso prius descendit. Et in hoc stat tota vis hujus Apostolici verbi, quod saepe allegat S. Doctor: *Quis prior dedit illici, & retribuetur ei?* Id est quis a se incepit dare illi aliquid, & non potius ab ipso accepit?

Probatur tertio conclusio alia ratione fundamentali. In eo quo ex justitia commutativa aliquid retribuit, oportet esse strictum debitum illud tribuendi: Sed in Deo non est, nec esse potest strictum debitum & obligatio respectu creature: Ergo in eo non est, nec esse potest justitia commutativa in ordine ad nos. Major constat, tum quia ille qui absque debito & obligatione aliquid tribuit, non ex justitia commutativa, sed ex liberalitate tribuit; ut patet in Perro solvente Joanni centum nummos qui ei debentur, non ab ipso Petro, sed a Paulo: talis enim actus non est justitia commutativa, sed potius liberalitas, vel magnificientia. Tum etiam, quia ut docet D. Thomas 2. 2. quest. 80. art. 1. *Dupliciter aliqua virtus à justitia commutativa ratione deficit: uno modo in quantum deficit à ratione aequalis, alio modo in quantum deficit à ratione debiti.* Unde sicut religio & pietatem in nobis deficient à vera & stricta ratione justitiae, & constituantur partes potentiales illius, ex eo quod non possunt Deo satisfacere ad aequalitatem pro beneficiis acceptis, vel pro injuria illatis; ita amicitia, gratitudo, & fidelitas, licet reddant aequaliter, quia tamen ad id non obligantur ex stricto debito, sed solam ex quadam decentia & honestate, excluduntur à vera ratione justitiae, ut in 3. suppositione declaravimus.

Minor vero, in qua est difficultas, probatur ex D. Thoma 1. 2. quest. 114. art. 1. ad 3. ubi docet quod Deus non potest nobis esse debitor ex justitia: nam quemcumque ejus promissio antecedat, non sequitur (inquit) quod Deus officiat simpliciter debitor nobis, sed sibi ipse, in quantum debitum est ut sua ordinatio impleatur. Idem docet hic art. 1. ad 3. his verbis: *Deus non est debitor, quia ipse ad alia non ordinatur, sed potius alia ad ipsum.*

Ratio etiam id suadet, nam strictum debitum importat inferioritatem aliquam & dependentiam debentis ab eo cui debetur, & est incompos-

A sibile cum supremo dominio. Qui enim est superius dominus alicuius, est dominus omnium que sunt ipsius: unde per nullam prorsus actionem vel rem potest illi obligari, & debitor fieri ex stricta & rigorosa iustitia; & ideo dominus potest servo rem promissam, putata vestem, negare, immo datam auferre, & promissionem rescindere, atque irritare, sine iustitia: quia quidquid servus possidet, dominus est.

Respondet Suarez: Rationem supremi dominij in Deo, impedit quidem quod absolute possit in eo resultare strictum debitum erga creature, non tamen quod possit illi obligari, obligatione ortâ ex pacto & promissione Dei. Sicut, inquit, inter patrem & filium, servum & dominum, posset intercedente pacto & promissione, oriri naturalis obligatio iustitia, si lege positiva non prohiberentur.

Sed contra: Pactum & promissio in supremo domino, solim possunt inducere obligationem fidelitatis & veritatis, non tamen stricta & rigorosa iustitia: quia ut quis debitor fiat aliquid accipiendo (etiam supposita quacumque promissione) opus est ut id quod accipit, eique exhibetur, non sit sub dominio ejus. Unde quantumcumque quis promittat aliquid filio aut servo suo, si ei dederit quod re vera patris aut domini est, non sit debitor id accipiendo, sed promittendo; nec consequenter ex iustitia, sed solam ex fidelitate. Cum ergo Deus plenum habeat dominium cujuscumque rei quam ei exhibere possumus, eam accipiendo non sit nobis debitor ex iustitia, sed solam ex fidelitate nobis praemittendo. Unde Augustinus serm. 16. de verbis Apostoli cap. 1. *Debitor factus est, non aliquid à nobis accipiendo, sed quod ei placuit promittendo.* Et Anselmus in profosilio cap. 10. *Iustus es, non quia nobis redditus debitum, sed quia facis quod decet te summè bonum.*

Confirmatur: *Deus non est debitor, quia ipse ad alia non ordinatur, sed potius alia ad ipsum,* ut ait D. Thomas supra relatus: Ergo cum supposito etiam pacto & promissione, ad creature non ordinetur, nec ab ipsis dependeat, non sit ille debitor ex iustitia, sed ex fidelitate, vel gratia. Sicut fecit pactum & promissionem ac fædus cum Abraham de Incarnatione Filii sui, quod ante promiserat per Prophetas, ut ait Apostolus. Et Abraham dicta sunt promissiones hujus mysterij, & tamen non ex iustitia datum est Christus, sed ex amore & gratia. Et promittit Deus exaudire orationes nostras, sicut dicitur Psalm. 90. *Invocabit me & ego exaudiā eum.* Et Joan. 14. *Potite & accipietis: nec tamen ex iustitia Deus implet petitiones nostras, sed ex misericordia & fidelitate.*

§. III.

Alia difficultas resolvitur, & dari in Deo justitiam distributivam, & vindicativam, breviter demonstratur.

D Ico secundo: Justitiam distributivam esse in Deo formaliter, & non solam eminenter. Ita D. Thomas hic art. 1. in corp. & super Dionysium de divin. nomin. cap. 8. lect. 4. ubi ait: *Iustitia convenit Deo secundum tres actus: primò quidem secundum hoc quod est distribuere: commutativa enim iustitia in Deo locum non habet, sicut est in venditoribus & emptoribus, quia ut dicitur ad Roman. 12. quis prior dedit illi & retribuetur ei? sed attribuitur ei distributiva iustitia;*

DE IVSTITIA ET MISERICORDIA DEI. 487

que non observat equalitatem quantitatis, ut aequalia omnibus dicitur, sed aequalitatem proportionis, ut det unicuique secundum quod dignum est. Quibus verbis hanc & precedentem conclusionem clarissimè docet; ac in Deo negat iusticiam commutatiyam, & distributivam admittit. Idem docet 1. contra Gentes cap. 93. his verbis: Non rigitur Deo competit commutativa iustitia, sed solum distributiva. Vnde Dionysius dicit 8. cap. de divisionibus nominibus, quod iustitia laudatur Deus, si cui omnibus secundum dignitatem distribuens, secundum illud Matth. 25. Dedit unicuique secundum propriam virtutem.

16. Ratio etiam suffragatur, nam iustitia distributiva maximam dicit perfectionem & excellen-
tiam, nec habet adiunctos defectus qui sunt inse-
parabiles à iustitia commutativa: Ergo licet ista
non possit in Deo reperiri formaliter, sed tantum
eminenter, bene tamen illa. Consequenter patet,
Antecedens probatur quantum ad utramque partem. In primis enim iustitia distributiva
est superioris erga inferiores: pertinet enim ad
superiorum distributiva inferioribus de communib[us] bonis, unicuique juxta proportionem
suum; unde haec decet supremum mundi gubernatores & principes, qui uitat Dionysius cap.
8. de divin. nomin. *Omnibus tribuit propria, se-
cundum uniuscujusque existentiam dignitatem.*

17. Addo quod maximè decet Deum res omnes hu-
jus universi debet disponere & ordinare, & ad
perfectam consonantiam & aequalitatem redu-
re, tribuendo unicuique juxta proportionem
suum & dignitatem, quod est proprium munus
iustitia distributiva. Unde Tertullianus supra
relatus: *Dei bonitas operata est mundum, iustitia
modulata est: ubi verbum, modulari, innuit
quod sicut Musica diversos tonos & cantus ordi-
nat, & ad debitum numerum ac proportionem
reducit. Ita & iustitia distributiva Dei, in crea-
tione mundi, omnes creaturas ad debitum or-
dinem & consonantiam redigit, dando unicuique
quod suum est, & faciendo omnia in pondere,
numero, & mensura. Quare Plato Deum sibi ef-
ficixit in prima mundi creatione veluti quandam*

*In Exa-
meron* Arithmeticum, & Geometram. Et D. Basilis in
ipsis dierum & noctium ordinatissimis interval-
lis, admiranda hanc divina iustitia aequalita-
tem advertit. *Cum cogitaveris, inquit, quonodo-
tatum per annum distribuuntur, & tanquam in li-
bra & bilance, totius spary longitudinem divi-
runt, eum qui ordinavit admiraberis &c.*

18. Eandem rationem tangit D. Thomas variis in
locis. Nam h[ic] art. 1. in corp. ait: *Sicut ordo con-
gruus familie, vel cuiusque multiitudinis gubernatio-
ne, demonstrat hujusmodi iustitiam (scilicet dis-
tributivam) in gubernante: ita ordo universi,
qui appetat tam in rebus naturalibus, quam in re-
bus voluntariis, demonstrat Dei iustitiam. Et art.
3. dicit, *Inquantum perfectione dantur a Deo
creaturis, secundum earum proportionem, per-
petrat ad iustitiam. Et in 4. dist. 46. quæst. 1. art. 1.
quæstio 1. Ratio distributiva iustitia Deo pro-
priè converire potest, inquantum scilicet equalita-
tem proportionis servat in communicatione bono-
rum suorum, dans unicuique proportionabiliter se-
cundum modum suum.**

19. Quod etiam iustitia distributiva non habeat an-
nexos defectus & imperfectiones, quæ essentia-
liter imbibuntur in iustitia commutativa, brevi-
ter declaratur. In primis enim iustitia distributi-
va non inducit in distribuente debitum aliquod

A simpliciter, ortum ex acceptione rei quam alius dedit. Potest enim Princeps justè bona commu-
nia distribuere, absque eo quod ab his quibus il-
la distribuit, aliquid accipiat aut expectet. Si quæ autem obligatio recte distribuendi est in his qui
distribuunt, à legibus & recta ratione quibus subiecti sunt provenit: unde cùm Deus nullis le-
gitibus sit sub lege, sed ratio sua sapientia sit fi-
ciunt lex iustitia, ut docet D. Thomas hic art. 1.
ad 2. absque illa obligatione potest justè distri-
buere, cùm id non agat secundum legem alicuius superioris, sicut nos; sed ipse sibi sit lex, ut ibi-
dem inquit S. Doctor.

B Non requirit etiam iustitia distributiva, ut qui distribuere non habeat dominium bonorum quæ distribuit, aut illud a se abdicet: satis enim est, ut retento suo supremo dominio, inferius domi-
nium conferat his quibus illa distribuit, ut patet in Principe, qui potest servare iustitiam distributivam, largiendo bona communia in feudum, aut emphyteusim, vel etiam solum donando ulcumfructum. Et si in religione aliqua domi-
nium omnium bonorum quæ religiosis distri-
buantur, esset solum apud supremum Rectorem, vel Summum Pontificem: illorum distribu-
tio esset verus actus iustitia distributiva, quam-
vis per illam religiosi nullum in talia bona acqui-
serent dominium, sed eorum tantum usum ha-
berent. Denique si aliqua alia imperfectiones sint in nostra iustitia distributiva, haec non sunt de ratione formalis iustitiae distributivæ ut sic, & pro-
ut est analogice communis Deo & creaturis, unde ab illis purificatur in Deo.

D Probatur tertio conclusio. Retributio vite æ-
ternæ pro bonis operibus, in gratia & charitate
factis, non solum est a Dei fidelitate, vel grati-
tudine, sed etiam à vera & stricta iustitia: Sed
haec non potest esse alia quam distributiva: quia,
ut ostendimus conclusione precedenti, non po-
test dari in Deo iustitia commutativa: Ergo iusti-
tia saltem distributiva debet esse in Deo formaliter. Minor constat ex supra dictis: Major vero
D ostendetur in Tractatu de justitie & merito, &
Dis. 2. colligitur ex illo Pauli 2. ad Timoth. 4. *Superpre-
michi corona iustitiae, quam reddet mihi Dominus
in illa die iustus iudex: illud enim quod redditur
a Deo ut justo judice, & tanquam corona iusti-
tiae, datur ex vera & stricta iustitia, & non solum
ex gratitudine, vel fidelitate.*

E Addo quod idem Apostolus ad Hebreos 6. do-
cet quod Deus esset injustus, si fraudaret justos
mercede suâ, ait enim: *Non enim injustus est
Deus, ut obliviscatur operis vestri. Cui concinit
Augustinus libro 4. contra Julianum cap. 3., di-
cens: Deus ipso, quod absit, erit injustus, si ad
eius regnum verus non admittitur justus, cùm & ip-
sum eius regnum iustitia sit &c. Et libro de natura
& gratia cap. 2. *Non enim injustus Deus, ut ju-
stos fraudet mercede iustitiae: At si in retributione
præmij pro bonis operibus, non intervenieret ve-
ra & stricta iustitia, sed sola veracitas, vel fidelis-
tas in promissis, Deus non posset dici injustus, si
fraudaret justos mercede suâ, sed tantum infide-
lis, vel non verax: Ergo in retributione vite æ-
ternæ, intervenit vera & stricta iustitia.**

Dico tertio: In Deo non solum esse iustitiam
distributivam, sed etiam vindicativam.

Probatur: Deus non solum habet retribuere
præmia bonis operibus, sed etiam penas & sup-
plicia pro delictis inferre, servando debitam pro-
portionem & commensurationem inter penam

203

21.

art. 4.

22.

& culpam: in quo propriè consistit officium vindicativæ justitiae. Unde D. Bernardus libro 1. de consideratione cap. 12. *Quid est Deus? Non minus est pœna perversorum: quam humilium gloria.* Est enim rationabilis quædam aequitatis directio, inconvertibilis atque indeclinabilis, quippe attingens ubique, cui illa omnis pravitas concurbetur necesse est. Et Tertullianus libro 2. contra Marcionem cap. 13. *Justitia Dei est plenitudo divinitatis ipsius, exhibens Deum perfectum, & Patrem & Dominum: Patrem clementiam, Dominum disciplinam: Patrem potestate blandam, Dominum sevaram: Patrem diligendum pie, Dominum timendum necessariæ.* Et lib. de pœnit. cap. 3. *Bonum factum Deum habet debitorem, sicut & malum, quia iudex omnis remunerator est causa, iudex Deus justitiae charissima sibi exigenda, tuendaque præstet, & in eam, omnem summam discipline suæ faciat, nihil à conspectu ejus remotum unde omnino delinquitur: quia non ignorat nec omittit quominus in judicium decernat. Dissimilator & prævaricator perspicacie sua non est. Omnibus ergo delictis, seu carne, seu spiritu, seu fato, seu voluntate commissis, pœnam per judicium destinavit.*

23. Confirmatur: Justitia vindicativa nullam in suo conceptu involvit imperfectionem, sed potius maximam perfectionem. Instaurare enim ordinem justitiae violatum per peccatum, est per se bonum, & valde conducens ad decorum & pulchritudinem universi. Quid enim pulchrius, & rectissimo ordini justitiae congruentius, quam ut qui Deo injuriam irrogavit, pœnam illi debitan sustineat, & quantum se glorificavit, & in deliciis fuit, tantum ei deus tormenti & lucis? ut dicitur Apocal. 18. Quid justius, quam ut qui se contra Deum extulit, a Deo infra se deprimitur, & qui se subduxit gubernationi misericordia, incidat in severitatem vindicativæ justitiae? Unde Augustinus concione 1. in Psalm. 58. *Iniquitas omnis, parva magnave sit, puniatur neceſſe est, aut ab homine penitente, aut à Deo vindicante:* Ergo justitia vindicativa non potest Deo denegari. Quare Tertullianus libro 1. contra Marcionem, adversus illum vehementer invehitur, eo quod Deum nobis effinxerit tantum bonum, mitem, & beneficium, & cui nullus infest justitia vindicativa, iræ, & ultiōis sensus: eumque his verbis derider ac fugillat. *Audite peccatores, quicumque nondum estis, ut esse possitis: Deus melior inventus est, qui nec offenditur, nec irascitur, nec ulciscitur: cui nullus ignis coquitur in gehenna, cui nullus dentium frendor horret in exterioribus tenebris: bonus tantum est, denique prohibet delinquere, sed litteris solis. In vobis est si velitis illi obsequium subsignare, ut honorem Deo habuissse videcamini; timorem enim non vult. O Deus usquequa perversum &c.* Et paulò post subjungit: *Horremus terribiles minas Creatoris, & vix a malo avellimus: quid si nihil minaretur? Hanc justitiam malam dices, que malo non facet: hanc bonam, quo bono non prospicit, &c.* Denique ait: *Justitia Dei est tutela bonitatis illius, & nisi justitia regatur, bonitas non est.*

§. IV.

Principia objectiones solvuntur.

24. Objicies primò contra primam conclusiōnem: Emptio & venditio sunt actus justitiae commutativa, ut docet Aristoteles in libris Ethic. Sed Deus vendit justis regnum cœlorum, pro eo-

rum laboribus & bonis operibus. Unde Augustinus in quadam sermone loquens de gloria Paradisi, in persona Dei, habet hæc aurea verba. *Venale habeo: quid Domine? regnum cœlorum. Quo emitur? Paupertate regnum, dolore gaudium, labore requies, vilitate gloria, mortis vita:* Ergo Deus dat justis regnum cœlorum ex justitia commutativa.

Confirmatur primò: Quod datur ex conventione & pacto oneroſo, datur ex vera & stricta justitia commutativa, & non distributiva, quia distributiva justitia non attendit ad pactum vel contractum, sed ad proportionem personarum quibus distribuendum est. At Deus dat justis regnum cœlorum ex conventione, & pacto oneroſo laborandi in vinea sua; ut constat ex parabola patrisfamilias, qui exit primo mane conduce re operarios in vineam suam. Dicitur enim in il la parabola, quod *Conventione facta cum operariis ex denario diurno, misit eos in vineam:* unde postea uni eorum dixit, *Nonne ex denario convenisti mecum? tolle quod tuum est, & vade.* Ergo in Deo datur justitia, non solum distributiva, sed etiam commutativa.

Confirmatur secundò: Suprà ostendimus ex Scriptura & SS. Patribus, quod Deus foret in justus, si privaret justos mercede suā: Sed si ex denegatione præmij seu mercedis jus hominis non laderetur, Deus non posset dici injustus, nam si ne laſtione juris, nulla potest esse vel concepi in justitia: Ergo &c.

25. Ad objectionem respondeo cum D. Thoma in 2. dist. 27. quest. 1. art. 3. *Inveniri quandoque à Sanctis metaphorice dictum, quod bonis operibus regnum cœlorum emitur, in quantum Deus accipit opera nostra ut acceptans ea.* Ex quo patet ad primam confirmationem. Respondeatur enim, non fieri pactum & conventionem Dei cum homine, ut ex actione hominis oneretur Deus, & illi obligetur ex vera & stricta justitia: quia cum talis actio sit sub dominio Dei, & ex ejus influxu proveniens, eique infinitis titulis debita sit, non potest Deus ex ipso onerari, neque in eo nasci stricta & rigorosa obligatio eam remunerandi, quantumcumque pactum vel promissionem illi adjungat. Solum ergo pactum & promissio deserbit ad hoc ut Deus manifestet hominibus, se illa bona opera (quamvis sub ejus dominio sint, & infinitis titulis illi debeantur) acceptare titulo meriti, & velle ea remunerare præmio vitæ æternæ.

26. Ad secundam confirmationem dicendum est, quod si Deus privaret justum mercede suā, esset injustus, non laſtione juris, sed violatione sui veritatis, & æqua distributionis, & in justitia op̄posita non commutativa justitia, qua in eo esse non potest, sed distributiva, vel legali architeconica, qua ut suprà diximus, in Deo tanquam in supremo principe, & justice, perfectissimo modo reperiuntur.

27. Objicies tertio: Ad hoc ut Deus obligetur homini ex justitia commutativa, non est necesse quod homo Deo aliiquid donet, & quod Deus ab eo recipiat aliquod dominium novum de aliqua re, sed sufficit quod ei debitum honorem & cultum exhibeat: materia enim commutativa justitia non restringitur ad sola bona temporalia & utilia, sed etiam versari potest circa res spirituales, secundum quod valorem estimationemque recipiunt: ut cultum, obsequium, honorem, & similia qua remunerationem exigunt, & æquitatem cum præmio habere possunt: Sed homo potest

DE IVSTITIA, ET MISERICORDIA DEI. 489

A potest debitum honorem, & cultum, seu obsequium Deo exhibere, quod habeat commensurationem cum præmio vita æternæ : Ergo Deus potest illi obligari ex justitia commutativa & rigorosa.

30. Respondeo negando Majorem : licet enim homo possit suis actionibus honorem & cultum Deo exhibere, qui habeat commensurationem cum præmio vita æternæ, ex illis tamen non potest induci aliquid jus in creatura, nec in Deo aliqua obligatio sufficiens ad fundam justitiam commutativam. Tum quia honor & cultus, quem Deo exhibemus, mille modis, & infinitis ferè titulis ei debetur. Tum etiam, quia ipsamet actio obsequendi & honorandi, ex Dei influxu & causalitate est, & ab illo tanquam à primo principio nascitur & procedit. Unde totum quod offerimus Deo, ab illo accepimus: juxta illud i. Paralip. 29. *Tua sunt omnia, & que de manu tua accepimus, dedimus tibi.* Cui consonat Augustinus dicens: *Deus dum coronat merita nostra, coronat dona sua.* Addit Bernardus, quod Deus nos onerat cùm exonerat: onerat enim beneficis, cùm exonerat peccatis. Sicut ergo non potest corpus obligare animam in actionibus vitalibus quas exercet, quia ab ipsa anima oriuntur: ita nec creatura Deum, quia omnes actiones ejus ab ipso oriuntur, ut à primo principio & prima radice omnium: *In ipso enim vivimus, & movemur, & sumus, ut dicitur Act. 17.*

31. Obijcies quartò: Christus satisfecit Deo pro peccatis hominum ex vera & stricta justitia commutativa, exhibendo Deo justum & rigorosum præmium redēptionis nostræ, ut in Traictatu de Incarnatione ostendemus: Ergo etiam ex parte Dei debet dari justitia commutativa in ordine ad Christum. Consequientia videatur manifesta, quia justitia commutativa debet esse mutua, & se teneare ex parte utriusque extremi: Ergo si in Christo satisfaciente de toto rigore justitiae pro peccatis hominum, detur justitia commutativa in ordine ad Deum, etiam in ipso Deo talem satisfactionem acceptante, debet correspondere justitia commutativa in ordine ad Christum.

32. Respondeo concessio Antecedente, negando Consequentiam. Ad cuius probationem dicendum est, quòd sicut licet relatio inter matrem & filium ex natura sua sit mutua, & se teneat ex parte utriusque extremi, tamen in Christo non datur relatio realis filiationis in ordine ad Beatam Virginem; quia cùm suppositum Verbi Divini sit ordinis superioris & increati, non potest realiter referri ad creaturam, nec recipere in tempore novam aliquam relationem realem. Ita similiter, quamvis justitia commutativa per se & ex natura sua sit mutua, & debeat se tenere tam ex parte personæ satisfacentis, quā ex parte acceptantis satisfactionem, per accidens tamen potest esse non mutua, & se tenere solum ex parte unius extremi: quando scilicet alterum est incapax illius, ut contingit in proposito: Deus enim ratione supremi dominii est incapax obligationis & debiti quod oritur ex jure alieno, & actione alterius, ut supra ostendimus. Unde ex parte Dei rigorosam Christi satisfactionem acceptantis, non correspontet justitia commutativa formalis, sed aliquid eā altius & eminentius: scilicet justitia legalis architectonica, qualis est in Principe, quæ justitia eminenter in Deo est commutativa, quatenus servare potest modum formamque justitiae

A commutativa, respicendo & qualitatem ex parte rerum, & tantum pro tanto, licet non habeat obligationem & debitum rigorosum; huic enim obstat supremum dominium Dei circa omnes actiones creaturarum.

Obijcies quintò cum Vazque contra secundam conclusionem. In Deo non potest esse justitia commutativa: Ergo neque distributiva. Consequientia probatur: quia justitia distributiva, cùm sit species strictæ & specialis justitiae, tam bene supponit strictum debitum & obligationē, quām commutativa; omnis enim vera & stricta justitia exigit strictum debitum & obligationē: Ergo si Deo repugnet justitia commutativa, quia est incapax stricti debiti, eadem ratione non debet in illo admitti justitia distributiva.

33. Respondeo concessio Antecedente, negando Consequentiam. Ad cuius probationem dicendum est, magnum esse discrimen inter debitum justitiae commutativæ, & distributivæ. Debitum enim commutativa justitiae oritur in una persona ex actione & jure alterius quo onerat aliam: Deus autem non potest onerari & obligari ex aliqua actione creaturæ: quia, ut supra dicebamus, omnis actio creaturæ nascitur ex Deo, & est sub ejus dominio & dispositione, ac illi debita infinitis modis & titulis. At verò debitum distributivæ justitiae, non nascitur ex jure alterius erga distributionem, aut ex actione circa ipsum, sed ex naturali recompensatione, & ipsa lege æquitatis, quā teneatur distributor commensurare primum perfectioni meritorum. Quod debitum in Principe humano obligat ex ordinatione naturalis legis quæ est à Deo; in ipso verò Deo, qui non habet legem sibi impositam ab alio, nascitur ex eo quod ipse est lex, & prima regula totius recompensationis, ut antea explicatum est.

Dices, Esse debitorem sibi, tollit propriam rationem justitiae, quæ necessariò debet esse ad alterum: Ergo si Deus in distributionibus præmiis, juxta proportionem meritorum, sit tantum debitor sibi, & non creatura, in illo non erit vera & stricta justitia distributiva.

34. Respondeo distinguendo Antecedens: Esse debitorem sibi ut termino, seu persona cui aliud reddendum est, tollit propriam rationem justitiae, concedo. Esse debitorem sibi, ut principio & fundamento debiti & obligationis, reddendæ tamen, & exercendæ in ordine ad alterum, nego. Itaque debitum quod Deus habet ad creaturam, debitum quidem est ad illam, at non oritur ex jure & actione illius, sed ex ordinatione Dei, & ex summa recompensatione & æquitate divine voluntatis, quæ est suprema lex, & primordialis regula totius æquitatis: unde creatura non est creditrix talis debiti, licet illi ut extremo redatur.

35. Obijcies ultimò contra eandem conclusionem. Justitia distributiva respicit proportionem geometricam & comparativam unius ad alterum, non verò debitum quod unicuique proprium est, ut antea exposuimus: Sed Deus in distributionibus suis bonis, vel perfectionibus, creaturis, sive quad naturalia, sive quad mortalia, non attendit ad proportionem geometricam & comparativam unius creaturæ ad aliam, sed dat quod unicuique debitum est, & connaturale: ut igni calorem, frigus aquæ, homini discursum &c. Similiter distributingo præmia justis, non attendit ad proportionem quam unus haberet ad

QQQ

Tom. I.

- alterum, sed quid quisque gessit, & quantum ilius opera mereantur: Ergo tunc non exercet actum distributivæ iustitiae.
38. Respondeo concessa Majori, negando Minor: licet enim Deus, distribuendo sua bona naturalia, vel præmia creaturis, attendat ad connaturalem cuiuslibet exigentiam, & ad debitam commensurationem meriti cum præmio (in quo, ut notat D. Thomas in 4. dist. 46. quæst. 1. art. 1. questione 1. reliquerat aliquis modus, & quædam similitudo iustitiae commutativæ) hoc tamen non obstat, quin etiam ad comparativam proportionem respiciat: ut pater ex illo Matth. 25. *Dedit uni quinque talenta, alij duo, alij unum: unicuique secundum virtutem suam.* Ubi manifestè sit distributio talentorum, comparativè ad dignitatem & proportionem diversorum.
39. Ratio etiam id sicut: Id enim quod Deus præcipue intendit, distribuendo præmia iustis, & singulis rebus, perfectiones connaturaliter debitas largiendo, ut igni calorem, Soli lucem &c. est decor ac pulchritudo universi, quæ non solum in perfectione & bonitate absoluta rerum, sed etiam in ordine & proportione creaturarum ad invicem, consistit, sicut perfectio musicæ requirit diversitatem, & proportionem tonorum: Ergo in creatione mundi, iustitia distributiva non solum attendit ad proportionem absolutam rerum, sed etiam ad proportionem geometricam, & comparativam unius creaturæ ad aliam. Unde Augustinus lib. 5. de Genesi ad litteram cap. 22. dicit, quod à Deo est omnis mensurarum modus, omnis parvitas numerorum, & omnis ordo ponderum. Et olim Platonici docebant, quod Deus Arithmetica, Geometria, & Musica, mundum condidit: nam per Arithmeticam omnia ordinavit, per Geometriam figuravit, & per Musicam proportionavit. Sive ut loquitur Scriptura: *Omnia in numero, pondere, & mensura fecit.* Numerus ad Arithmeticam, pondus ad Musicam, mensura ad Geometriam spectat.
40. Obijcies ultimò contra tertiam conclusionem. Licet Deus in punitione peccatorum servet debitam proportionem & æqualitatem inter penam & culpam, ea tamen non punit ex debito legali & rigoroso, sed solum ex quadam decentia morali; quia potest illa non punire, & remittere, seu indulgere; sicut de facto ea sæpe remittit peccatoribus absque illa pena: Ergo punio peccatorum non potest esse in Deo vera & stricta iustitia, sed solum iustitia quædam imperfecta, & pars potentialis iustitiae. Consequentia viderur manifesta, quia, ut supra retulimus ex D. Thoma 2. 2. quæst. 80. art. 5. dupliciter aliqua virtus à ratione strictæ iustitiae deficit. Uno quidem modo, inquantum à ratione æqualis, alio modo, inquantum deficit à ratione stricti debiti: Ergo si iustitia vindicativa in Deo deficit à ratione stricti debiti, non erit vera & stricta iustitia, sed pars potentialis illius.
41. Respondeo primò, quod de facto nunquam Deus remittit peccata sine plena & rigorosa satisfactione: quia aut ea punit in inferno, penâ æternâ, & infinitâ quantitate ad durationem; vel ea remittit intuitu meritorum Christi, qui se vadem & fidejussorem praestit pro nobis, & Deo satisfecit de toto rigore iustitiae, ut in Tractatu de Incarnatione dicemus.
- Disputatio art. 4.*
42. Respondeo secundo, Dato quod Deus sine ulla satisfactione remitteret peccata, sicut potest de potentia absoluta; nihilominus quando ea punit,

A ex iustitia & debito legali punit; quia ea punire juxta penam taxatam à lege justa, quam ipse statuit: *Pro mensura enim peccati, est & plagarum numerus,* ut dicitur Deuteronom. 25. Sed tamen quia hoc debitus legale, non est ei impositum ab aliqua lege superiori, sed ipse sibi est lex, potest ex supremo dominio suo penas remittere, secundum quod decet bonitatem suam, quæ est omnium legum radix. Sieut etiam in humanis, Principe supremo potest quandoque ob bonum publicum remittere penas & delicta. Solutio est D. Thomæ 2. 2. quæst. 67. art. 2. ubi ait: *Deus habet supremam potestatem judicandi, & ad ipsum pertinet quidquid contra aliquem peccatur.* Et idem liberum est ei penam remittere, præcipue cum peccato ex hoc pena maximè debeatur quod est contra ipsum; non tamen remittit penam, nisi secundum quod decet suam bonitatem, quæ est omnium legum radix. Idem docet Anselmus in Prologo cap. 10. his verbis: *Cum punis malos, iustum est, quia eorum meritis convenit, & cum parcis malis, iustum est, quia bonitati concedens est.*

ARTICVLVS II.

De misericordia Dei.

C **F**ælix & prudentissima Magdalena, quæ non unum, sed utrumque Domini pedem osculata est. Nam *Pedes isti* (inquit Bernardus) sunt misericordia & judicium: quorum alterum sine altero osculari, vel temeraria securitas est, vel desperatio fugienda. Huic prudenti consilio annuentes: postquam divina iustitia pedem osculati sumus, ad oculum pedis misericordia accedimus, & divini hujus attributi considerationem, cum Angelico præceptore aggredimur. Unde sit

§. I.

Vtrum Misericordia competit Deo formaliter?

D **P**ro resolutione hujus difficultatis, quæ nullam vel parvam haberet controversiam inter Theologos: observandum est ex D. Thoma hic art. 3. & 2. 2. quæst. 30. art. 3. in corp. Misericordiam prout in nobis reperitur, duo includere: unum de formalis, & alterum de materiali. De formalis enim dicit actum seu effectum voluntatis, quo quis exoptat, & intendit sublevare alienam miseriem: *Qui affectus, si sit potens & efficax, de facto eam removet, & expellit a subiecto in quo reperitur.* De materiali vero includit quendam motum appetitus sensitivi, quo aliquis de malo alterius tristatur, & illi per effectum condebet, & compatitur. Unde, ut notat S. Thomas hic art. 3. *Misericors dicitur aliquis, quasi habens misericordiam;* scilicet affectus ex miseria alterius per tristitiam, ac si esset ejus propria miseria. Hoc presupposito.

E Dico primò: misericordiam esse in Deo, saltem quantum ad effectum subveniendi alienæ miserie.

Probatur conclusio egregio discursu D. Thoma hic art. 3. ubi ait: *Quod defectus non tolluntur nisi per aliquis bonitatis perfectionem:* prima autem origo bonitatis Deus est: Ergo misericordia Deo perfectissimè competit, saltem quantum ad hoc quod est removere defectus & miseras à rebus. Quod ibidem magis declarat, observando quod clargiri perfectiones rebus, pertinet.

DE IVSTITIA, ET MISERICORDIA DEI. 491

E ad bonitatem divinam, & ad justitiam, & ad liberalitatem, & misericordiam: tamen secundum aliam, & aliam rationem. Communicatio enim perfectionum absolute considerata, pertinet ad bonitatem. Sed in quantum perfectiones rebus à Deo dantur secundum earum proportionem, pertinet ad justitiam. In quantum vero non tribuit rebus perfectiones propter utilitatem suam, sed solum propter suam bonitatem, pertinet ad liberalitatem. In quantum vero perfectiones date rebus à Deo, omnem defectum expellunt, pertinent ad misericordiam. Unde D. Bernardus serm. 1. super salve Regina: *Misericordia Dei (inquit) primordialis ipsa causa omnium est, & causalisssima causarum.*

45. *D*ico secundò: misericordia, ut dicit affectum subveniendi alienæ miseriae, reperitur in Deo formaliter: non tamen ut est motus appetitus sensitivi, quo quis de alieno malo tristatur.

Prima pars conclusionis probatur: *Hic affectus sublevandi alienam miseriariam, qui non est passio, sed simplex voluntatis actus, nullam in se includit imperfectionem, & non ad aliam quam ad misericordiam quæ est virtus, spectat: ut colligitur ex D. Thoma h̄c art. 3. & 2. quest. 30. art. 3. ad 4. & quest. 31. art. 1. ad 3.* Ergo misericordia, ut dicit talen affectum, reperitur in Deo formaliter.

Addo quòd effectus subveniendi alienæ miseriae, ex affectu voluntatis procedit: Ergo si misericordia Deo tribuitur secundum effectum, debet etiam in illo admitti secundum affectum, non quidem passionis, vel appetitus sensitivi, quia quod est sensibile, longè abest à Deo, sed voluntatis, quo vult nostrum sublevare miseriariam. Unde Augustinus lib. 2. ad Simpl. quest. 2. *De misericordia si auferas compassionem, ita ut remaneat tranquilla bonitas subveniendi. & à miseria liberandi, insinuatur divina misericordia qualcumque cognitio.* Et lib. 1. contra adversarium legis: *Deus zelat sine amore, trahit sine perturbatione, & miseresur sine ullo dolore.* Ex quo sufficenter probata manet secunda pars conclusionis.

§. II.

Corollaria notaru digna.

46. *E*x dictis inferis primò, misericordiam esse attributum maximè proprium & connaturale Deo. Quia cùm Deus sit summum & infinitum bonum, est maximè sui diffusivus & communicativus, & maximè cupid per communicationem sua bonitatis, & suorum donorum, tam naturalium quam supernaturalium distributionem, tollere inferias & defectus à rebus, & præcipue à creaturis rationalibus. Unde D. Bernardus serm. 5. de natali Christi sapienter observat, quòd Deus in Scriptura, misericordiarum, non vero iudiciorum, vel ultionum pater appellatur: quia, ut canit Ecclesia, *Illi proprium est miserereri semper & parcere.* Et quia miserendi causam & originem sumit ex proprio: *judicandi vero vel ulciscendi, magis ex nostro.* Nec solum pater misericordiarum est Deus, sed etiam mater, ut nota Chrysostomus in orat. de Sancto Philogio. Nam quemadmodum parturiens cupid enti factum, ita ille cupid effundere suam misericordiam, quæ illi non minus est naturalis, quam calor igni, & lux Soli. Unde Dionysius: *Sicut Sol noster, non cogitatio-*

Tom. I.

*A*ne, aut voluntate, sed eo ipso quod est, omnia illastrat qua ejus lumen pro modo suo capere possunt: sic etiam ipsum bonum, scilicet Deus, omnibus pro eorum captu, totius bonitatis radios emittit.

Notant etiam Scripturæ Interpretes, quòd in Genesi ubi dicitur, quòd *Deus spiravit in faciem hominis spiraculum vita;* in lingua Hebraica ponit verbum *Napach*, quod significat respirare, seu flatum emittere: ut per hoc significetur, tam naturale esse Deo misereri, & benefacere, quam homini respirare. Unde Psalm. 108. ait Propheta Regius: *Fac mecum propter nomen tuum. Quid est fac mecum? Cur nihil aliud addit? Ut scilicet intelligeremus, quod adeò propria*

B & naturalis est Deo misericordia, ut Deo idem sit facere, ac misericordiam exercere. Quare Euthimus appellat Deum: *infinitum quoddam misericordie Pelagus, in quo qui se mergit, non obruitur, sed salvatur; obruitur vero qui non se immergit.*

C Inferes secundò, quòd licet attributum misericordiae ad voluntatem pertineat, præsupponit tamen omnipotentiam, & in ea fundatur, & veluti radicatur. Ratio est, quia misericordia est attributum non solum affectum, sed etiam effectum; nec solum dicit affectum voluntatis, quo Deus vult alienæ subvenire miseria, sed etiam virtutem & potentiam, quæ potest tollere miseras & defectus à rebus: Ergo divina misericordia includit, vel saltē supponit ejus omnipotentiam, & in ea fundatur. Unde Sapientia dicitur: *Misericordia omnium, quia omnia potes.* Et Psalm. 61. dicit Propheta: *Semel locutus est Deus, duo haec audiri, quia potestis tibi est, & tibi Domine misericordia.* Quasi diceret: ideò est tibi misericordia, quia potestis & omnipotentiā praestas. Et Apostolus ad Roman. 9. *Deus volens ostendere potentiam suam, sustinuit in multa patientia vas ira apta in interitum.*

D His etiam consonant verba Ecclesiæ, quæ in quadam oratione sic loquuntur: *Deus qui omnipotentiam tuam, parcendo maximè, & miserendo manifestas.* Cujus dicti tres egregias rationes affinat S. Thomas infra quest. 25. art. 3. ad 3. ubi ait: *Dei omnipotentia ostenditur maximè in parcendo & miserendo; quia per hoc ostenditur Deum habere summam potestatem, quod liberè peccata dimitit; ejus enim qui superioris lege astringitur, non est liberè peccata condonare.* Vel quia parcendo hominibus & miserendo, perducit eos ad participatiōnem infiniti boni, qui est ultimus effectus divinae virtutis. *Vel quia effectus divinae misericordiae est fundamentum omnium divinorum operum: nihil enim debetur aliqui, nisi propter id quod est datum ei à Deo, non debitum: in hoc autem maximè divina omnipotentia manifestatur, quod ad ipsum pertinet prima institutio omnium bonorum.*

E Inferes tertio, misericordiam in Deo, non solum includere omnipotentiam & virtutem infinitam, sed etiam omnem perfectionem simpliciter simplicitem, & rationem actus purissimi & perfectissimi.

Hoc corollarium egregiè explicat Cajetanus 2. 2. quest. 30. art. 4. his verbis: Ex actu ejus apparet quod misericordia in seipso exigit immunitatem à miseria. Nam si distinguamus misericordiam, in misericordiam simpliciter, & misericordiam respectu talis vel talis miserie: inveniemus quod quæ ratione misericordia respectu talis miserie, putat paupertatis, immunis est ut sic à pauperitate; quia ad ipsam spectat dando subleva-

Qqij

475

481

re paupertatem: eadem ratione misericordia simpliciter & absolute libera est à miseria, quia ejus est sublevare à miseria, non hac vel illa. Et quantum omnis potentialitas, miseria quedam est propter quod omnem creaturam miseria alicui subiectam esse aliquo modo oportet, consequens est ut misericordia secundum se exigat in seipsa superioritatem talem ac tantam, ut alius purus sit, ut summa natura sit, ut Deus sit: & propriea Deo proprium ponitur miseri, & ejus omnipotentiam, qua super ejus actualitate fundatur, manifestare.

50. Inferes quartò, misericordiam Dei esse im-

menfam, & ubique diffusam, nullisque locorum spatiis, aut temporum intervallis conclusam. Nulla enim est creatura in mundo, à qua aliquem defectum & miseriā Deus non expellat, per aliquam suā bonitatis perfectionem & participationem. Unde misericordia Dei terra plena esse dicitur à Propheta. *Quia enim* (inquit Augustinus)

In psal. in terra abundat miseria hominis, ibi etiam superabundat misericordia Dei. At si terra plena est divina misericordia, numquid eā cœlum vacabit, ubi nulla est miseria? Absit: ut enim eleganter prosequitur idem S. Doctor: *Omnia indigent Domino, & misera & felicia: sine illo miseri non sublevantur, sine illo felix non reguntur.*

Sed quod magis mirum est ac stupendum, eadem misericordia in inferiores etiam terra partes descendit, & ipsius etiam infernum, à quo longè abesse videntur, pervagatur: quia ibi punit crita condignum, ut notat idem Augustinus serm. 6. ad fratres in Eremo, his verbis: *Iustis & injustis, beatis & damnatis; misericordiam cum justitia semper agit omnipotens Deus: Beatis enim dat gloriam quam non merentur habere, quibuscumque bonis commissis; & malis dat pœnam quam majorem merentur habere de malis commissis.* Unde ipsi etiam damnati dicere possunt: *Misericordia Domini, quia non sumus consumpti.*

Thren. 51. In hujus rei typum, & ad declarandam divinæ misericordiæ magnitudinem, & extensionem, Ezechielis 1. divinæ misericordiæ thronus dicitur esse positus supra firmamentum. Duo enim habet firmamentum, unum quod sit primum subiectum in quo tempus existit; est enim tempus mensura primi & regulatissimi motus, qualis est motus firmamenti, sive primi mobilis, ut docent Philosophi. Alterum est quod universa loca complectitur, eaque omnia transcendent. Egregie ergo divinæ misericordiæ thronus super firmamentum describitur, quia divina misericordia nullo circumscribitur tempore, sed ab æternō, & usque in æternū se extendit super timentes eum, ut dicit Propheta, & nullo coarctatur loco, sed ubique diffunditur, & ad omnes mundi partes se extendit.

Addit D. Joannes in Apocalypsi, immensum illum divinæ misericordiæ thronum esse Iride circundatum, & ejus aspectum similem visioni Smaragdi: *Iris,* inquit, *in circuitu sedis, & aspectus ejus similis visioni Smaragdina.* Iris est divinæ clementiæ signum, ut dicitur Genes. 9. & sicut in Iride varij colores videntur, iisque pulcherimi; ita Dei misericordia multiplex nobis appetit, juxta illud Prophetæ, *misericordia tua multa Domine.* De quo videri potest D. Bernardus serm. 2. de septem panibus. Dicitur etiam *similis visioni Smaragdina*, quia sicut nullius coloris aspectus jucundior est, quam aspectus Smaragdi, qui vidilitate suā oculorum lassitudinem recreat; sic

A etiam nullius attributi divini consideratio, ita mentem hominis exhilarat, ac demulcit, sicut divinæ misericordia contemplatio. Unde Augustinus loco suprà citato, in hujus divini attributi laudes totus effusus, exclamat: *Quid Christum incarnatum, nisi misericordia? Quid eum subiecies nostræ miseria, nisi sola clemens? O beatam misericordia qua sola commercium nostræ salutis agnivit. Sola enim misericordia ad Deum dirigit hominem: sola ad Deum deducit hominem, sola Deum deducit ad hominem. Hoc est sola mediatrix adversos consolans, hac disunctos copulat, hac sola Deum humilians, nos sublimat. O quam pia fuit Dei descensio, ut nostra esset glorioſa affumpcio! O grandis & infinita misericordia! tu sola potuisti trahere Deum de celo ad terram, & nos de exilio ad regnum erigere.*

O magnum misericordia vinculum, quo Deus *li-* ^{t. Serm.} *gari voluit & posuit, & homo ligatus vincula traxi.*

iniquitatis dirumpit! Accedamus ergo cum fiducia, Domi-

inquit Apostolus, *ad ibironum misericordia ejus,* ^{m. qu} *Curramus (addit Bernardus) in odorem unguento-* ^{in fine} *operum istorum;* curramus ad oleum de oliva speciosa, ^{opus} *ipsum* ^{repertus} *in campus expressum & nullā infectum amurcā;* ^{tur.} *nullā substantiatum amaritudine;* ad oleum quod ^{super} *cateros enarat liquores, ad misericordiam* ^{q. superat} *omnipotentiam.*

C Inferes ultimò, mysterium Incarnationis fuisse necessarium ad aliquod divinæ misericordiæ complementum. Duplex enim est misericordiæ actus, ut suprà annotavimus. Alter repellere miseriā, alter ex aliena tristari miseriā, & alterius compatiærum. Primus quidem Deo comperebat ratione sue bonitatis & omnipotentia. Secundus verò divinæ adversabatur natura, ut suprà ostensum est. Unde ut ex utroque actu, Dei completeretur misericordia, & ut posset compatiæ infirmitati bus nostris, voluit nostram assumere naturam, & ut loquitur Apostolus: *Debuit per omnia fratribus assimilari, ut misericors fieret.* Unde Chrysologus: *Christus venit suscipere infirmitates nostraras, & suas nobis conferre virtutes: humana querere, prestare divina: accipere injurias, reddere dignitates; quia medicus qui non fert infirmitates, curare neficit.* Quare possumus Tertulliani sententiam, pie, & ad rem præsentem apertissime, immutare. Sicut enim ante Incarnationis mysterium, Deus ex nostro justus, ex suo misericors dici poterat, ut loquitur ille Author lib. 2. contra Marcionem. Ita & post ineffabile illud divinæ misericordiæ sacramentum, ex nobis non solum justus, sed etiam misericors dici potest. Ex hoc enim quod humanam naturam suscepit, & ad homines se inclinavit, splendidius eniit divina misericordia, & ex utero virginali cum illo egressa est: *juxta illud Job 31. Ab infanția mecum crevit miseration, & ex utero matris mea egressa est.*

E *Et ideo Beata Virgo, mater vocata est, non Deitatis, sed misericordia, quia ut ait Andreas Je-* ^{Ad Hebreos 4.} *rosolymitanus: Dei filius suæ naturæ clemens,* ^{Serm.} *in utero virginali, seu naturæ officina, in qua ad* ^{de Maria laetibus.} *incarnationem mirabiliter seipsum conclusit, hu-* ^{In oratione.} *manitatis studiosus fuit.*

